

Uunga siunnersuut: Unammilleqatigiinneq pillugu Inatsisartut inatsisaat nr. xx, xx.
2014-imeersoq (unammilleqatigiinnermut inatsit).
(Inuussutissarsiornermut Aatsitassanullu Naalakkersuisoq)

Saqqummiussissut

(Inuussutissarsiornermut Aatsitassanullu Naalakkersuisoq)

Siullermeerinninneq

Naalakkersuisut sinnerlugit matumuuna unammilleqatigiinneq pillugu Inatsisartut inatsisissaannut siunnersuut saqqummiutissavara.

2013-imi upernaakkut Naalakkersuisut aalajangerput unammilleqatigiinnermut inatsisip atuuttup iluarsaaneqarnissaa pisariaqartinneqartoq, pingartumik siunertarineqarlutik inatsimmi § 6, imm. 1-imi inerteqquteqarnermik unioqqutitsinermut pineqaatissiisarnissamut periarfissaqalernissaq, niuerikkut unammilleqatigiinnermik annikillisitsisumik isumaqatigiissuteqarnerni Danmarkimi aamma Europami atorneqartunut naleqqussaanissaq, kiisalu unammilleqatigiinnermut oqartussaasut unammilleqatigiinnermut ajoqtaasumik inuussutissarsiornermut oqartussaasunut pisortani oqartussaasunit piliarineqartunut akuliunnissamut periarfissaqartinneqalernissaat.

Siunnersuummi Inatsisartut inatsisaanni nr. 16, 19. november 2007-imeersumi atuuttumi aalajangersakkat ataasiakkaat nutarterneqarput, kisiannili unammilleqatigiinnermik annikillisitsisumik isumaqatigiissuteqarnernut, suliffeqarfait kattuffiisa iluanni aalajangiinernut, ataqatigiissitamik suleriaaseqarnernut aammalu pissaaneqarnerusumik inissisimanermik atornerluinermut tunngatillugu tunngaviusumik inerteqquteqarnermut tunngaviusut allanngortinneqaratik. Siunnersuummi maannakkut nalunaarutiginneriaatsimit allaanerusumik suliffeqarfait kattunnerannik pisumik nakkutiginninnermik atuutsitsisoqalissasoq siunnersuutigineqarpoq, taannalu malillugu Unammilleqatigiinnermut nakkutilliisoqarfik suliffeqarfait kattunnerat pillugu ilisimatinneqartassaaq, kisianni taakkuninnga akuersissuteqartassanani.

Taamatut oqaaseqarlunga siunnersuut Inatsisartuni suliarineqartussanngortippara.